


Soño di Oiky Posner ta bira realidad

ARUBA LO HAYA SU MESUN FABRICA DI CERBEZ

Aruba Brewery



ORANJESTAD(AAN) -- Manera DIARIO a publica den forma exclusivo, diamars tabata un dia historico pa Aruba ora cu gobierno di Aruba a entrega e documento encuanto erfpacht na e propietario nan di e fabrica di cerbez nobo pa Aruba.

OTRO AÑA E FABRICA TA DEN OPERACION

E fabrica di cerbez aki cu ta un inversion di 22 Mion Florin, lo worde traha na Barcadera na altura di WEB y segun e planificacion, e construccion lo cuminsa na April/Mei 1996, mientras cu na mitar di 1997 e fabrica mester ta den operacion.

E fabrica di cerbez aki ta un union di inversionistanan local y di exterior. E inversionistanan di exterior tin masha hopi experiencia den trahamento di cerbez no solamente na Europa, pero tambe den Caribe. E grupo ta envolucra den mas di 20 fabrica di cerbez rond di mundo, di cual 3 ta den Caribe esta na Antigua, Dominica y St. Vincent.

FABRICA MODERNO

E fabrica aki lo bira un di esnan mas moderno na mundo traha al estio "State of the Art". E tecnologia cu lo worde usa ta procedente di Alemania cu ta e pais conoci pa ta leader den produccion di cerbez.

Calidad di awa ta masha im-

portante pa produci un cerbez di calidad sublime.

AWA DI ARUBA TA HOPI BON

Ta conoci cu e calidad di awa potable di Aruba ta un di esnan mihor di mundo. Pa e motibo aki e profesionalnan den e fabrica di cerbez (Brouwmeester) ta masha entusiasma cu e proyecto aki pasobra combinando e tecnologia Aleman moderno cu un calidad di awa asina halto, facilmente por produci un cerbez di clase mundial.

LO TIN 3 PRODUCTO

E fabrica di cerbez lo traha tres diferente tipo di producto. Lo produci un cerbez nacional, cu nomber y caracter cu ta refleja e pais y cultura di Aruba.

Tambe lo produci un marca internacional cu lo worde traha bao un liscencia y tambe lo produci un malta. Ta estima cu lo cuminsa cu produccion di un volumen di entre 35 Mil y 50 Mil hectoliter den e promer fase cu ta entre 500 Mil y 750 Mil caha.

TRABAO PA 30 HENDE

Mirando cu ta trata aki di un fabrica hopi moderno, caminda lo bay aplica lo ultimo den tecnologia di fabrica cerbez, e fabrica lo bay ta automatiza optimalmente.

Esaki ta encera pues cu e capacidad di labor ta alrededor di 30 persona.

Venta y mercadeo di e fabrica di cerbez aki ta den man di Licores Aruba N.V. cu lo percura pa distribucion di e cerbez tambe. Licores Aruba N.V. ta un compania netamente Arubano cu mas di 35 aña di experiencia den venta, mercadeo y distribucion di cerbez, licor y biña.

E fabrica di cerbez aki tabata un soño di e fundador di Licores Aruba, Oiky Posner. Awor su soño di su bida ta worde realisa y pueblo di Aruba lo por disfruta di dje

pa hopi generacion mas cu ta bin.

BUSCA ARUBIANONAN DI AFOR


Ministro Tico Croes durante e conferencia di prensa di gobierno a muestra cu mirando cu ta trata aki di un fabrica hopi moderno, ta hendenan cualifica lo worde busca. Esaki ta crea e posibilidad di reemigracion di Arubianonan bon studia biba den exterior cu ta ganando un salario halto, lo por bin traha aki na Aruba.

Ministro Croes mes conoce dos Arubiano altamente cualifica cu ta trahando den fabrica di cerbez na Hulanda. E intension ta di acerca nan pa mira si nan ta dispuesto pa regresa Aruba of a lo menos dispuesto pa entrena ingenieronan Arubiano pa traha den un fabrica di cerbez.

INCREDIBLE BARATA

Toilet Paper di mas barata na Aruba Afl. 4,80
Pia Galiña Afl. 6,99 - Coffie Instantaneo Baratisimo
habon Lifeboy 2 pa Afl. 1,25
Bina Frances y Italiano 2 pa Afl. 10,=

BRUKI DIAPERS Afl. 9,65
JOYAS-HOLOSHI BARATISIMO
Plaza Supermarket Blvd. - Fiesta Trading Dakota



NEAT AUTOCLUB TA SPECIALISA DEN:

- ** AUTO CU MOTOR DI FUEL INJECTION (EFI)
- ** AUTO CU ABS BRAKE SYSTEM
- ** WHEEL ALIGNMENT ELECTRONICO Y WHEEL BALANCING COMPUTERIZA
- ** CV-JOINT REPAIR Y CAMBIA SHOCKS
- ** TAMBE NOS TA HACI BODY REPAIR Y SPUIT BO AUTO
- ** SPUITCABINA CU TECHNICA ULTRA MODERNO
- ** TRABOU HACI DOOR DI EXPERTO

PASA CERCA NOS NA MEIVELD 3-A OF JAMA 3-6328 (3-NEAT) PA HACI UN "APPOINTMENT".

PRONTO

"NEAT HINTS & TIPS"

CARNAVAL "TUNE-UP"

TUNE-UP OF SERVICE 80 AUTO ENTRE
7 Y 23 DI FEBRUARI 1996 Y
RICIBI GRATIS UN BUNITA T-SHIRT DI CARNAVAL.

